

潮州府誌序

寬少習尚書禹貢讀其文不及數千舉凡名山大川田賦則壤以至篠簜箇簠淮壙海錯之微無不備而記功受命之詞在其中心今天下郡縣不過九州中之一壤耳一郡縣之誌為言不下數十萬乃銑略者大半則何也古今人不相及固如是哉每與同年藹雪吳先生言之未嘗不以為然既

寬受命司理潮州到官索誌已糜漫不可讀要其存者不能無銑略也意欲以其餘力增訂之自愧無文而止越二年而先生亦以刑部郎出守潮則日慙慙之先生果集諸儒生錄所見聞以獻為削牘焉潮州僻在海隅唐宋之昔以處遷謫者故不列繫望中然而負山面海北界汀贛東聯泉漳五嶺之間亦一都會也今 咸朝令甲

不遐遺尚安可忽其地而不之問耶誌者史之一家也其大者在山川之險夷而名勝則末焉賦稅之厚薄而物產則末焉風俗之淳漓而好尚則末焉今之誌徒記臺榭之足以遊觀花鳥之足以怡悅畸言昇服之足以駭聽聞而已顧何所取重況今日之潮密邇閩海潢池弄兵寔逼處此天子顧念東南簡徒命卒樓船下難節制

海內外悉索敵賦不足以當所入而潮之地固古揚州之域也其人輕浮不純禮義雖屢經兵燹而猶徂故習由是以觀山川之險可知賦稅之薄可知風俗之漓可知吏茲土者既不能家至戶說又不卒成家言孰正於縉紳先生俾以教于細民令其習同仇以固圉勤耕織以裕國敦仁讓以勵行是豈為民上者哉先生之誌大旨

不外乎此而于吏治之貪廉尤兢。馬蓋民子弟也長吏父兄也所治之郡縣長吏之家也荆川先生有云舍壞則賦額民數不記而獨詳于仙佛精廬臺榭興廢達官貴人之墟墓詞人流連光景之作猶夫記家之籍重圖畫狗馬玩具而廢租稅錢貫也甚且有刻取諸民以自肥則是割其股以啗腹矣又安可與不事其家者比耶先

生以家事視民事故急為此誌而獨嚴於吏治誌既成凡若干卷問序于寬寬以在疾辭先生曰予之誌予之志也寬不敢違今寬既以憂廢而先生旦夕政成且將奏竊為大臣其去潮也日近倘使潮之民讀是誌而廓然自改以合寬前數者之言則先生與寬若以父兄而聞子弟之遷善其喜可知也至先生之文雖不敢比擬禹貢

而于河渠山海經諸書無多讓焉從此而往海波不興鯨鯢屏絕鑄鼎象物以貢於朝先生又將執簡而續江漢紀功之章矣

順治庚子十二月望後一日潮州府理刑推官今陞大理寺評事賀寬謹撰

潮州府志序

予由比部郎出為潮州守時潮之在京師者明經數人問潮事未能了問潮志則曰兵燹之後載籍殘缺人家即有舊本亦百年以上物矣予思為政之大端唯在節制柔以制治準豐畝呂範俗別出入以經土察良楮以章教而其先資則莫備於志前人為之是即謂必亡之意也後人

潮州府志

卷一

遵之則不愆不忘具是矣矣本閱百年以上後人將奚所率由焉既抵任吏人抱府志進缺者勿論已其存者亦皆字畫漫滅不可辨識既又購數本合而譯之稍通其義年既隔遠事復掛漏既而諸生以郭青螺先生潮中雜記進旁采博稽秩然成理蓋多補舊志所未備云既而諸邑令長各居其邑志進於是志于編纂之役而以

潮州府志

卷二

質諸同年司理賀瞻度瞻度曰上下古今之事非識深而心平鮮克有成潮雖僻左唯先生執簡而從事矣予謝不敏曰昔歐陽永叔自言謫夷陵時閱官中案牘始知吏事予今親吏事而妄冀從案牘中勒成一書前之人其教我也既遠而且略予今范然問事不知問人不知予則陋矣攷潮自周秦以來畫為荒服而治之者多用服不氏先王耀德之云海隅僅聞昌黎至始悟以文章然猶謫吏自處也宋末乃帝子驅車過焉大忠姓氏炳然日星明則人文日盛理學大昭而其流俗所相與矜詡者不越于利其土之物之一言吏斯土者而利其土之物勢必培植生民而不復有愛恤子惠之政土著者而亦利其土之物勢必藉氣勢之赫奕以立致乎蕩析

攘奪之患而郡之元氣日削而無復有存
至今日而習尚漸更數名政教且以無外
為盛島醜不足平也而予則為推其所自
於紀載之書法戒憑焉將竭三年之力以
為之予則又迂矣蓋予為諸生時讀古今
人山川禮樂錢穀刑名之書以為治之
方之所在也今既為郡為郡而至于日出之
鄉又經多事之地則於民益親而於事益

詳按圖冊以檢括就着舊以訪詢千里之
內予之心時周焉要皆求盡其心於吏治
之中而非區區為文章之事也曾子固曰
誦其說者如立乎其時求其旨者如即乎
其人予雖未之能逮而竊有志焉笑書將
成而賀司理行讀而序之直上躋於河渠
山海水經諸書予愧不敢承然又不能自
秘乃進而是正於諸鄉先生又進而奉教

於諸 憲臺爰授梓人為其佐予采摭考
訂之勞者諸生楊闡曾棟奇陳士稼鄒慶
春也例得並書

順治十有八年辛丑中春

賜進士第中順大夫潮州府知府前刑部

山西清吏司郎中

恩詔加一級奉

勅恤刑福建溧陽吳頴撰

月一日

潮州府舊志序

車分

地理之書肇自禹貢至於成周又別之為圖為志各其官設屬以掌之圖以知山川形勢地之所生則大司徒職方司險之所掌也志以知語言土俗博古義遠之事則小史內史之所掌也而有土訓誦訓之官通圖志以詔王其詳見於周官凡皆以通天下之志達上下之情使無壅遏以能一道德同風俗而致天下於大順其所繫之大如此後世郡縣雖或有志而不領於王官有司者謂非吏議所急故其為書或苟且以應故事其於治教所關是非得失興衰理亂之故可以昭法鑒示將來者反多略而不書則

潮州府志

其去成周之意遠矣弘治丙辰余承官于潮間閱舊志而竊有病焉一日潮士盛端明進見余郡齋余以其意語之端明忻然退而重為纂輯或編以質於余請為之刪定未暇也近余以疾乞歸待報未下始得以參之舊志考正其訛謬補其闕遺為書四卷彙分為二十篇料貢職官別為年表一卷蓋其辭雖不文亦庶乎不為無益之空言云爾是用叙其大略於篇端使覽者得詳擇焉

潮州府志序

林庭學

林子讀郭公漸齋續修潮志喟然而嘆曰予觀於志而因以知人也夫志者誌也特例發凡有類乎史可以觀世屬類此詞閫而為文可以觀學綜古今該名實覈臧否勸懲可以觀政以紀之學以緝之世以聯之三者微夫是之謂志其凡例有八首曰地理辨其形勝而險塞可知次曰建置時其損益而規則可考次曰田賦明其版籍而取民有矩次曰祠祀紀其秩典而無文不載次曰官師里氏備輯而治忽恭稽次曰選舉科貢並備而明制不紊次曰人物顯晦襮見而賢者有徵終曰雜志比方類記而義例以

潮州府志

卷二

燦然祥附著而天人以判毋駕虛毋翼偽毋乖實可謂括倫鑒之要探墳索之情者矣視諸舊乘郡縣總叙一賦其詞或寡要實而義無指緒者遠甚嗟夫郡乘古侯國之史也如郭公之志其上班良史者乎何以言之夫郭公者行以數志執義匪撓標古而趨有其政矣政以采志訂覈驗識賢畢是斥有其學矣學以摘志考規承則弗修弗浮有其世矣一志而三善備豈徒曰郡志云乎哉等而躋之則丞相府之圖書也林子瞿然而作曰予於是知郭公之志又以知志而因以知人也志凡若干卷

發凡

潮州之有志舊矣一為弘治志係郡丞車份所脩志已不存僅散見於各邑志中一為嘉靖志係太守郭春震所脩成於嘉靖丁未距今辛丑閱年一百一十五其間天時地理人事之變更殆有書之不勝書者而二志事從簡文從樸皆不失古史之義乃時經百稷傳聞異辭凡所增損輒違時制固有異同銓除禮樂錢穀兵刑新政之交登載悉備故視舊志為加詳焉

蓋自易代以後兵燹所及城廓變立墟圖史變烟雲懷感實深然有所纂述繁多諱言緒聞舊編即如文山以及潮州府志

陸張諸公戰績忠義日星固自不容晦昧似亦需之久而論定未能遽為紀載也 功令所在夫誰得而干之今堂遵 令甲不敢踰越除授科目其非崇禎朝者俱不登入蓋凜奉 聖諭所固然矣

古者有國史有閭史其義則一志為閭史之屬蓋言出於一事一時而千萬世之是非以之言出於一地一人而天下之勸懲以之乃家乘所傳墓文所載其近於諛者未足徵也故編中詮次諸篇於郡邑有司褒刺互見而鄉人之賢者則存其可法可傳而不及其他亦猶行古之道也論其獨遺歸於同予不敏何多讓焉

於稽東粵潮亦人士之淵藪也其有碩德豐功卓犖名世固赫赫在聽睹間將與川嶽同永至於一行之士巖穴間深不二之婦苦節永矢原未嘗亟求名而其名亦在顯晦之間况又瀕海之區寇賊竊發抄略輿編原野其抱影寒濤耳以身殉如薛明經所紀義蓋數然矣誰實司風厲之權而聽其草木偕腐於是力為表章靡隱弗著非敢擬於片言華表而緇衣有懷鄉士大夫與匹夫婦無二視也斯又微尚之所存歟

顧聞潮州舊志頗多闕略之憾而涉江踰嶺所携書卷無多又兵火以後藏書之家亦寡則固陋少文類不屬任其

舛矣間或靜夜繹思舊所記憶未亡遺忘又或聞有收藏即斷簡殘帙輒往借覽以故文增於昔者十之五六母謂枝節繁多文過其實以致貽譏浮華也

郡邑皆有志郡中車志既不得見郭志復多漫滅嗣得郭青螺先生潮中雜記一書時去郭漸齊先生未遠故為補所不備以供異日采擇其文爾雅可存而所輯書目碑目按籍以求百不得一良足浩歎至各邑則海陽附郭首縣載府志中未有刻本潮陽縣志成於林井丹先生秩有體近吳光卿先生續之尚未付梓予獲見其副本雖多因林舊而事則增於昔矣揭陽縣志成於郭菽子先生在崇

續辛未年程鄉縣志成於李二河先生在順治辛卯年饒
 平縣志成於崇禎庚辰年惠來縣志成於萬曆己酉年大
 埔縣志成於崇禎丙子年平遠縣志成於崇禎壬午年普
 寧縣志成於萬曆庚戌年澄海縣志成於萬曆丙申年鎮
 平縣志成於崇禎己卯年各縣皆已繳到幸獲縱觀唯饒
 平縣志中多採東里志語此書出卿先生陳石岡手看詞
 旨蒼涼頗多感動惜乎未得其全帙而讀之予因以購求
 卿先生遺集於其子孫於其生徒如李唐丞齡蕭太史與
 成其子端蒙翁襄敏萬達林督學大春吳郡丞仕訓休太
 史大欽林忠宣應春唐吏部伯元郭明府廷序薛大行侃
 朝川等
 及從子孝謙等雖諸先生集與此斷碑缺版同其塵沒而
 披陳之餘收拾不盡此文前賢名實所關安知非白晝之
 遺澤所未泯者歟予故合爲古今文章一編以志仰止
 其非有闕郡邑者不載也

漂上吳穎識於菜根堂

潮州府志 姓氏

何志姓氏

潮州府知府陳陽吳 穎編纂

原任推官今陞大理寺評事丹陽賀 寬纂訂

同知樓霞張 震

原任同知富陽章欽文

通判黃渡王命珣

原任通判今陞鎮江府同知新鄭劉 楨

經歷三原石 朗

海陽縣知縣五臺王運元

原任知縣陽信張 敬

潮州府志 卷一

潮陽縣知縣安邑謝象申

原任知縣睢州唐楨麟

揭陽縣知縣雄縣張嘉善

程鄉縣知縣通州程天旋

饒平縣知縣平度州戴 寅

惠來縣知縣富平李 濟

大埔縣知縣延慶州張弘訓

原任知縣長山趙觀光

署縣經登石 朗

平遠縣知縣漳州葛萬葵

澄海縣知縣南鄭趙廷佑

普寧縣知縣大同胡貢策

鎮平縣知縣建陽張天慶

潮州府教授歸善嚴毓元

陞任訓導保昌溫如璠

訓導長樂曾慶禧

長樂李尚志

海陽縣教諭東莞尹自選

訓導德慶州何兆熊

諸生楊 開

潮州府志 卷一

曾棟奇

陳士棟

鄒慶春全校閱

地書部

澤陽吳 穎纂

予志地書而先之以象緯從乎天也郭青螺先生詳哉其言之繼之以潮汐從乎海也則卿先生陳石岡東里志備焉予蓋未敢為臆說矣若夫郡邑之設其制因地而建其名因時而定其規模有廣隘之殊其布置有詳略之別其風氣有因革之異而莫不尊其權於旬宣嚴其防於鎮守凡為之有司者則日惟皇：焉以形勝為可憑以俗尚為可易無所擇乎其地而皆有以風屬之乎故為之論曰星

潮州府志 卷一

次者嶺之表之所同也海汎者濱海之郡之所同也考其沿革而郡邑始居其獨矣環千有餘里之地而聚之以為郡散之以為邑各有其社稷人民而聚者不自擅其大而寄於小散者各務致其小以歸於大形勢如故風俗日新而有司者効其功於千有餘里之中於是乎治以漸而臻焉斯則予首志地書之意也夫吳穎序

象緯解 戴潮中雜記

郭子章

予讀黃文裕公廣東通志纖悉具備而獨缺於分野母亦以天道遠而叵測乎顧三才之故即一郡不可不備也作潮州象緯解太史公曰天有列宿地有州城三光者陰陽

之精氣本在地而聖人統理之是故體國經野必先別其分星而分星以斗牛為首日月五星起於斗宿由斗牛以紀星故曰星紀所以攷淑慝而詔脩應也潮隸東廣東廣在漢為南越地在春秋為百越地在禹貢為揚州之域其次為星紀其宿為牽牛其辰丑自星經殘闕漫不可攷余讀明高皇帝分野書曰唐貞觀中淳風撰法象志因漢書十二次度數以州縣配焉而僧一行獨謂天下山河之象存乎兩界兩界之紀分為南北河源自北紀之首循塞垣北東及海為戎狄江源自南紀之首循嶺微南東及海為蠻越觀兩河之象與雲漢之所始終而分野可知矣潮故

潮州府志 卷一

南紀也其分野則始見於周禮太司徒以土宜之法辯十有二之名物保章氏以星土辯九州之地所封域皆有分星以觀妖祥鄭玄注云分野之占星紀為吳越又云岱宗為十二諸侯受命之府下流得婺女為九河未流比於星紀與吳越同占南斗牽牛星紀也吳越揚州分野南斗在雲漢下流當淮海間為吳分牽牛去南海浸遠自豫章迄會稽南適嶺微為越分是吳越星野若無分合言之矣後世說天者因之而無定據范曄志星紀起斗十二度至涓女七度於辰在丑吳越之分野屬揚州為費貞星紀起斗十度終婺女五度蔡邕星紀起斗六度終婺女二度一

行星紀起九度終婺女四度其語斗牛女為吳越之分一也吳越之越蓋合於越南越言之也潮南越枝郡也嘗攷南斗六星距西第三星去極一百一十九度主南夷牛六星近在河岸頭頭上兩角腹少一脚牛上三河鼓鼓上三星號曰織女古雅云河鼓謂之牽牛宋中興天文志女一名婺女左傳昭公十年有星出於婺女杜預注婺女為既嫁之女織女為處女也史記天官書亦云南斗為廟牽牛為犧牲其北河鼓河鼓大星上將左右將婺女爾雅釋須女謂之婺女由此觀之則斗牛女之辰次彰之矣而其為吳越之分星若聯絡而不可分者乃春秋元命苞曰

牽牛流為揚州分為越班志吳斗分野越牽牛婺女分野宋天市垣東藩十一星南二曰南海六曰吳越則又岐星紀為二而其分野又自有別者以事變之應驗之漢孝景元年正月癸酉金水合於婺女婺女粵也又為齊二年七月丙子火與水晨出東方因守斗十二月水火合於斗斗吳也又為粵後三年七國反遣大將軍周亞夫討平之吳王亡走粵粵攻而破之元鼎中焚咸寧南斗南斗越分也其後越相呂嘉殺其王及太后漢兵誅南越梁大通六年夏四月丁卯焚感在南斗其十二月蘭欽帥兵破魏將取北梁州而嶺南賊起大同五年冬十月辛丑豎出南斗其

復李賁稱帝於交州發吳越兵討之蓋斗牛女越分野丑次也故其兵應大曆如此星紀之在吳越似又不可分矣按夫滌鄭氏謂牛女在東南鄒陽馬氏謂牛女屬揚州揚州雖可言東南而牛女在天則北方宿也漢天文志日有中道南至牽牛去北極遠冬至至於牽牛遠極故晷長立八尺之表而晷景長丈三尺一寸四分星傳日月南入牽牛南戒民間疾疫杜光詩亦云牽牛出河西織女處其東是言牛女者或指東南或云西北然要之星紀在北而光燭於南其以吳越當之者從星紀之所燭與一行所論星紀分野自虛江九江負淮水之南盡臨淮廣陵至於東海

又通南河得漢丹陽會稽豫章西濱彭蠡南涉越州盡蒼梧南海古百粵之國而以星之與土精氣相屬不係於方隅由此言之則越之分野其著於前聞者顯不可執已明一統志及分野書閩越諸郡俱牛女分野惠州專屬須女而潮州專屬牽牛豈星紀之次本有定分而潮惠州應又有不可混而無別者與古之辰次與節氣相係各據當時曆數與歲差遷徙不同而臺曆司察其分主而以潮州屬牽牛與或舊志牛女之分其說然與嗟夫揚州分野蓋天下之半而潮州不足以當其百一區一星紀之說芒砀不可質度潮嘉隆之間亂亂孰矣是誰星為之而誤者咎之

不良有司所致則官邪亂民星易與焉如曰某星為某州
待其變臨於上而後脩省於下有如宿離不忒無失經紀
此又可肆而止忌乎傳曰君子有令圖天所贊也

吳穎曰星次有定位史家天官書亦大槩之辭也然天
道變於上斯微應有不爽矣與有斯世之責敢弗恪肅
推原所自是固君子乾：之道之所存也讀郭青螺先
生象緯解而懷然有省焉

潮汐考 廣東里志

陳天資

東里之地自東南遙遶西北皆距大海大港灣港潮汐出
入之門也說文云朝至曰潮夕至曰汐實叔蒙云海嶽出

潮州府志 卷一

入之度浮屠書云神龍變化海嶠志以為水隨月之盈虧
王充論衡以為水者地之血脉隨氣進退臨安志以為海
水盈而為潮縮而為汐晝夜消長不失其期故謂之潮信
高麗圖經云天包水水承地而一元之氣升降於太虛之
中氣升地沉則水溢而為潮氣降地浮則水縮而為汐抱
朴子云天河從此極分為二條至於南極其一經南斗中
過其一經東斗中過兩河隨天轉入地下遇兩水相得又
與海水合三水相蕩而天轉之故激湧而成潮水虛肇海
潮賦云日附於天右旋入海而日隨之水因其灼激而
退退於彼必盈於此日激水而潮生月離水而潮大地浮

於水天在水外日入則晚潮激於左日出則早潮激於右
邵子曰海潮者地之喘息乎所以應月者從其類也海潮
圖序云潮之進退海非增減蓋月之所召則水往從之故
月臨卯酉則潮漲乎東西月臨子午則潮平乎南北彼竭
此盈往來不絕皆係於月瓊南則以長短星值日為消長
凡此數說其指不同然遠者無微近者謬陋惟邵子之言
最約而中蓋天地之氣升沉摩盪無須臾之停水也乃其
氣之流行而可見者然江河津液之水也大海則胸腹之
水也故潮之有消有長猶人之有呼有吸乃其自然之理
至於潮之必應月者則又以為太陽之精不得不然者也

潮州府志 卷一

六

余襄公圖序之言實與邵相表裏蓋即言其理而余則直
指其事耳所謂月臨卯酉則水漲乎東西者言月在卯酉
之方則水縮極而復生也諺云月上水長又曰月落海轉
正此說也所謂月臨子午則潮平乎南北者言月在子午
之位則潮長極而將退也諺云月盡水縮是也潮之消長
三辰而盈三辰而縮一晝一夜而消長凡再然積二日而
必差一辰則應月之驗耳何也日行一晝夜運旋三百六
十五度而天一周月之行也一晝夜不及日十二度有奇
以晝夜百刻計之一刻該得三度六分半潮惟應月故一
消一長得六時二刻有奇一晝夜再消長共得十二時四

則獨恰好湊及十二度有奇之數積二日共差八刻強而遲一時積十四日半得刻九五十而潮復值其初此所以二日必遲一辰而朔望之潮所以相同也初一初二之月則夕隱於西而晨出於東十五十六之月則夕生於東而晨沒於西故水皆以此時漲乎東西至其日夜之中則月或在天上或在地中皆臨于午之位故潮皆以此時平乎南北潮視月升沉以為消長自古及今未之能易也新會志則以潮汐分為五節初一初二初三十六十七十八則謂之平初四初五初六十九二十廿一則謂之落言水勢微劣也初七初八初九廿二廿三廿四則謂之敗魚蝦退潮州府志 卷一 七

散網罟不施初十一十二廿五廿六廿七則謂之起種植醞釀醫灸忌行十三十四十五廿八廿九三十則謂之旺余襄公云晦望前三日潮勢長後三日潮極大即此起旺之期也月弦之際潮之去來合沓不盡即此敗落之期也東里潮海濱人則以十三日為起水至十八十九為大水時二十日為落至二十七日為小水時二十八為起水至初三初四為大水時初五為落至十二為小水時至於朔望之晨我處已消而惠州所屬之潮方長則海門有潮近地勢或南或北有不能盡一若耳今居民以指掌而十二時復以長平滿落半竭六字推之亦甚準云

饒平舊志云每年卯酉之月陰陽之交會也氣以交而感潮大於他月每月朔望之後初三日天地之變化也氣以交而感潮大於他日初三十八日大晝夜寅申時至論時退初五二十日或初九二十三日半隨至隨退十三二十七日漸長每日所至之期遞減一時以為常每歲夏秋之交颶風作海潮因之為大小大則衝突淹沒濱海居民患之

吳穎曰環天地皆水也而海為眾大潮州瀕海而城其民非有見焉則亦安所取徵朝斯夕斯習而安之斯無異物之遷矣故吾以為海國之書與天官書無所異同潮州府志 卷一 八

而生長海濱占候所及海報海汛亦循夫回家之五行也茲不具載載東里志潮汐考焉

沿革考 載潮中雜記 郭子章

平讀三陽志其所叙沿革頗有據而惜其不詳於周秦之間予族大父春震嘉靖志又畧於宋元之際黃文裕圖經是時平普諸縣未邑也予並採而芟潤之作沿革考潮州府為貢揚州之城春秋時為楊越與地考吳兼楚及南越之交潮陽屬越史記秦始皇三十三年略定楊越置南海郡潮為郡東境裴淵廣州記云秦守五嶺其一揭陽即存治秦未趙佗據郡屬佗史記南海尉任囂病且死召龍川

令趙佗屬以尉事佗乃聚兵守五嶺擊并桂林象郡自稱南越武王漢高帝因佗平南粵使陸賈奉印璽以南越王之初高帝乃以長沙豫章桂陽南海立番君為長沙王若南海於長沙為郡則揭陽亦長沙屬矣故當時之意豈亦適以南海為番君封哉高后稱制佗弗內貢職文帝元年使陸賈諭旨佗稱臣自漢興皆屬南越武帝元鼎元年南越反東越王餘善請以卒八千人從樓船將軍擊呂嘉等兵至揭陽以海風波為解不行揭陽即今治也五年秋使衛尉路博德為伏波將軍都尉楊僕為樓船將軍會番禺六年冬敗越後南海郡揭陽令史史聞漢兵至自降新室

潮州府志

卷一

九

改為南海亭東漢又名揭陽城晉咸和中分海立東官郡隸於東官義熙五年分東官立潮為義安郡屬縣五海陽安海寧潮陽義昭宋齊因之梁兼置東陽州後改曰瀛州又陳罷州隋平陳改置潮州煬帝大業三年罷州後為義安郡唐武德間改郡復為潮州天寶元年為潮陽郡乾元元年復為州凡五易然後州名定自陳隋間南海為一都會唐初置十五部隸江南道開元二十一年置福建經略使以州隸之明年復隸嶺南天寶元年又隸福建越九年又隸嶺南為柳宗元作愚溪對元和間也時州已屬嶺南惡溪粵所有也宗元乃曰閩有水曰惡溪杜佑作通

典亦曰古閩越地則未可以嶺外視之州所領縣在義熙間有海陽安海寧潮陽義昭等五縣至大業間安義昭廢有程鄉萬川二縣合為五永徽初省潮陽縣先天初復置乾元間乃罷其餘獨有海陽潮陽程鄉三縣偽漢劉鋹時割程鄉置欽州宋開寶四年改梅州熙寧六年廢梅州復以程鄉隸潮元豐復梅州以程鄉歸之至紹興六年猶熙寧之制九年復元豐之制潮止二縣矣乃置揭陽縣初卜治留黃村至紹興二年改卜於玉窖村始有三陽之稱唐韓愈刺潮之日又嘗建揭陽樓故圖經以為今之韓亭即其地是必有據者元至元十五年改潮曰路後改總

潮州府志

卷一

十

管府大明洪武二年省梅州改為潮州府國才領縣四海陽潮陽揭陽程鄉成化以來增縣六饒平惠來大埔平遠澄海普寧共十縣其山揭嶺其水三河附郡曰海陽縣有韓山其下韓江之水匯焉西一百四十里曰潮陽縣有東山練江在其南東南入於海西北八十里而近曰揭陽縣有揭陽之山飛泉之嶺西北三百里而遙曰程鄉縣有百花之洲山下有水環之東二百里而遙曰饒平縣後有尊君山其下有三海海南三百里而遙曰惠來縣山為文昌溪為光華東北百六十里曰大埔有茶山及漳溪之水出焉西北五百五十里而最遠為平遠縣有鳳山綠水湖

原西南百四十里而遙曰晉寧有鐵山有鯉湖水與揭陽合東南六十里而近曰澄海有蓮花山有蘇灣鮫江合而入海焉

郡縣釋名

潮州府名始於隋本古潮陽郡名也郡近南海多潮汐今海潮止及急水離郡城二十里郡人相傳潮到郡城則人文盛海陽縣其名最古逸周書王會海陽大蜚注海水之陽以此貢獻蓋蟪蛄鉅者海陽之名始此而漢初搖母餘封海陽侯索隱曰海陽南越縣地志闕無考則海陽之名在周秦已然矣今城北二十里有海陽山息之以南濱明州府志

大海故名潮陽縣義與府同南越志以縣地片海之北故名揭陽縣秦名漢書秦使尉佗將謫徙民五十萬人成五嶺與越襟處五嶺者大庾始安臨賀桂陽揭陽也揭陽之名始此今縣治西北百五十里有揭陽山形勢崑崙南北兩支分抵興寧海豐縣之主山也或以此山即為揭嶺誤矣揭字漢書地理志常昭以為其近反顏師古正之曰音竭南粵王趙佗傳載揭陽令史事蘇林又以為音竭師古不誤正之今從蘇程鄉縣隋置以程收行誼化於一鄉故縣名程鄉水名程江如嚴州袁州為程茂名之類是也饒平縣成化間置縣治在三饒也三饒上饒中饒下饒今縣

治在下饒也曰三饒太平矣惠來縣嘉靖間析惠州海豐與潮陽四都置縣治在惠來都也大埔縣嘉靖間置縣治在大埔村也平遠縣嘉靖間置縣治近武平江近安遠故曰平遠以其為武平安遠藩蔽也澄海縣嘉靖間置縣取海宇澄清之義也故開漳州之縣又曰海澄皆此意也晉寧縣隆慶間析潮陽置晉寧縣之義也予觀潮十縣制名甚有惑於時變升降焉國初四縣仍漢隋舊海潮揭以山川名程卿以八名何其渾雅也自饒平以下則夷盜窟辟草萊而邑之其所命名不以章武功則以來遠人蓋治亂殊故矣

潮州府志

卷一

先是潮屬十縣崇禎六年因寇變析程鄉一縣為兩併平遠之石窟置鎮平縣距府三百六十里而遠義取坐鎮茲土以底治平合計共十有一縣

吳穎曰山川有定區亦猶夫天官也然城廓因之而多變遷矣考潮州所轄之邑由四而益之以至十有一焉要皆乘乎盜賊之竊發而建侯以冀安之乃益之至十有一矣而盜賊仍有時乎竊發也則又安能更進而議建侯乎哉予為循名而諦譯焉誠有如郭青螺先生所云時變升降之感若乃在郭時鎮平尚未邑也邑鎮平之後十餘年而盜賊乃日以熾世事紛更訖於今日若窟之巢穴未靖青螺而在又不知其長太息者幾何矣

續其沿革考及郡縣釋名而書其後

城池鄉村考

潮州府廣四百里袤四百六十五里東詔安南海岸西海
豐北上抗隸廣東布政使司領縣十一城圍一千七百
六十三丈高二丈一尺濶二丈二尺內外石甃七門東
廣濟上水竹木下水而安定門左有水閘一昨南南門
北北門東跨溪西渡濠濠西北抵湖山西南濶八大深
若六七丈淺者七八尺宋至和元年築慶元間增築洪
武間指揮俞良輔開其西南弘治間同知車份重築北
城一百六十餘丈萬曆間副使王一乾脩葺間增高
明州府志 卷一
三尺今仍舊其街衢自北而南約四里自南而西約一
里自太平橋直抵南門曰正大街自察院行臺直抵南
城曰東街自府治承宣坊直抵甘露坊開元寺巷曰仙
街自北隅抵南城曰第三街自湖頭橋抵名賢坊曰第
四街自北門抵玄帝廟曰贊善街自金山抵衙前曰金
城街自城濠抵白沙宮曰北門外直街自南門直抵南
山寺曰南門外直街北郭有街曰權鋒宋馬發壘石建
寨處今廢
海陽縣附郭明初編戶三百里成化十四年析縣東地立
饒平縣東饒平南澄海西揭陽北大埔廣八十里袤三

百五十里編戶五十九里 在城舊有承宣寶善澄清

製錦甘露華萼春桂名賢順昌崇福叢桂十一坊 東

廟統東津水南南靈仙田惡溪溪口六村 南廟統下

寺西岸聖者亭後溝四村 西廟統楓溪池湖古板頭

蔡西隴四村 北廟統上郭花園西塘陳橋四村 長

樂鄉都三 登瀛都統龜湖山洋曲灣三村 大和都

統英塘鳳塘鶴鰲青麻山白蓮湖大窖六村 歸仁都

統北徑浮岡橫溪楓洋福全五村 延德鄉都八 登

雲都統雲步蒲洋東壑飲亭仙溪五村 登隆都統浦

洲塘東源湖洋尾四村 隆津都統三英塘湖莊西壑

明州府志 卷一

三村 上莆都統山莆橫壑米塘冷頭下尾沈五村

東莆都統謝傘沙溪山兜山後四村 南桂都統南界

橫溪西洋園頭市梅溪五村 江東都統慈園員山獨

樹橫坑四村 龍溪都統官路許壑大鑑柯壑馬壑黃

龍莊隴郭隴東隴梅林薛隴潘隴西隴寨劉隴溪頭仙

溪陳岐隴十七村 先德鄉都一 豐政都統產溪隴

陸大湯潭澳四村 懷德鄉都二 水南都統塔下上

下坑統砂溪尾四村 秋溪都統三秋溪堡統英坑左

拔白石石虎青峰峒崗湖象山鹹水坑黃竹洋丘大窟

十村官塘堡統羊山侯山礮灶上溪湖兜蘇寨鴨洋龜

湖下溪潭頭小官塘十一村筆圍堡統筆山溪尾寺前
鹿景東山大馬頭小溪白水湖夾東山九村

市集九日渡頭菴曰蒲洋曰雲步曰彩塘曰意溪曰樞
溪曰金石宮曰大亭

潮陽縣唐先天初置縣治於曉崑山元和十四年改於棉
陽距曉崑三十五里宋因之元至正間增土捍之洪武
辛未始築城正德四年析四都置惠來北連府一百四
十里東瀕海南惠來西晉寧北揭陽廣四百二十七里
袤二百五十七里城圍一千二百六十二丈高二丈嘉
靖間增高四尺崇禎間增高三尺濠深一丈廣三丈六

潮州府志

卷一

十五

門編戶一百五里 舊有新興與仁奉恩豐歡四鄉後
不可考今縣屬都統親睦歸厚錦經南桂興讓與仁太
平泰和上下淳化上下南董上下十三坊 附廓都統
北門寨岡頭白土深浦南門寨海門大湖嶺岐八村
峽山都統盧岡港口成田和平砂隴溪頭六村 黃隴
都統東浦甌坑鶴洋東溪下橋五村 洋烏都統菱塘
大布山門溪口流溪五村 舉練都統梅花曉崑舉練
岐山村後港五村 貴山都統貴嶼土嶼青洋山新陂
大隴仙園南洋七村 減水都統安田蓮塘旱塘果塘
尖隴五村 宜浦都統門關柳崗竹橋北洋西平溪西

六村 竹山都統華洋海田鳳山赤水泉塘五村 招
收都統豪浦踏頭埔許家洞東隴塘邊馬窖鳳崗大柵
七村 砂浦都統青林灣頭二村 隆井都統神山古
汀平湖古埕白井五村

揭陽縣宋宣和三年割海陽縣永寧延德崇義三都置縣
名揭陽紹興二年廢十年復卜治陷隍村不果卜玉窖
村元至正十二年因海寇始砌內城二百丈外城八百
餘丈明天順間知縣陳壽增內城東北一百丈擴外城
西北一百餘丈東北連府八十里東澄海西長樂南潮
陽廣二百八十里袤八十里城圍一千六百丈高一丈

潮州府志

卷一

十六

五尺島層間增高五尺崇禎間增高三尺南北跨溪東
西浚濠門四天啓間知縣曾應瑞增進賢門為五門水
關三編戶七十八里 在城統解元朝天魁元攀龍魁
隆椿桂達道七坊 永寧鄉都四 漁湖都統鳳坡港
下塘口隴上港尾員鏡潮尾新寮義河鳳園橫松下港
梅子兜鍾處洋平溝許處洋西溪南東溪南庵前張處
洋李網曹處洋表處寨官洋西洋和美京岡二十七村
桃山都統東洋蕭曾處洋上寮浦口黃處洋洋尾渡
頭舖前官田南潮小練臺坡西洋涵頭豐溪蔡坑蘇坑
李坑方坑東嶺塘邊彭處溝後徑富岡許畔楊洪後埔